

ԳՐԱԿԱՆԱԳԻՏՈՒԹՅՈՒՆ
ЛИТЕРАТУРОВЕДЕНИЕ
LITERARY STUDIES

ՀՏԴ՝ 82.02.09

DOI: 10.52971/18294316-2022.25.2-23

ԵՂԻՇԵ ՉԱՐԵՆՑԻ «ԵՍ ԵՎ ԻԼՅԻՉ» ՊՈԵՄԻ
ԱՐԴԻ ԺԱՄԱՆԱԿՆԵՐԻ ՄԵԿ ԸՆԹԵՐՅՈՒՄ

Արա Զարզարյան

ՀՀ գիտությունների ազգային ակադեմիայի գրականության ինստիտուտ

Բանալի բառեր՝ Չարենց, Լենին, Ուելս, ապագա, ճանապարհորդություն,
Երևան, Սովորված, կոմունիզմ, ֆուտուրիզմ, ֆանտաստիկա:

Եղիշե Չարենցի ստեղծագործական ժառանգությունում քիչ չեն Լե-
նինի մասին ստեղծագործությունները: Իր թեմատիկ և ստեղծագործական
առանձնահատկություններով յուրահատուկ է հատկապես «Ես և Իլյիչը»
ստեղծագործությունը, որում Չարենցը դեպի ապագայի աշխարհ ճանա-
պարհորդություն է սկսում Լենինի հետ: Ստեղծագործության համար ազ-
դակ հանդիսացել է Ուելսի «Ժամանակի մեքենա» գիտաֆանտաստիկ վե-
պը: «Ես և Իլյիչը» ստեղծագործությունում Չարենցն անդրադառնում է նաև
ֆրանսիացի աստղագետ, փիլիսոփա Կամիլ Ֆլամարիոնի գաղափարնե-
րին: Կառուցվում է ուրույն ստեղծագործություն, որում ներկայացվում է ա-
պագայի աշխարհը, Երևանն ու այդ ամենի միջով անցնող Չարենցի մտո-
րումներն ու զարմանքները: Չարենցն ապագայի աշխարհն այդ շրջանում
տևանում էր Լենինով, որն իր համար գերակա դիրք գրադարձնող նախատիպ
էր և անհատ:

Նախարածն. Եղիշե Չարենցը Լենինին տեսել է 1921 թվականի դեկտեմբերին: Այդ
մասին Դանիել Դզնունու հետ գրույցներում պատմել է¹ հենց ինքը՝ բանաստեղծը:
Չարենցի ինքնակենսագրական պատմությունը փաստում է, որ Լենինի հետ մտերիմ ոչ
մի շփում նա չի ունեցել, այլ տեսել է հեռվից՝ համագումարի ժամանակ: Սակայն Չարեն-
ցը լավ ծանոթ էր Լենին մարդու քաղաքացիական պայքարին, նրա գաղափարախոսու-

¹ Չարենց Ե. -1961, էջ 264:

թյանն ու գործունեությանը: Եվ Չարենցի դեպքում այդքանն արդեն իսկ բավական էր իր համար ինչ-որ բացառիկ անհատին որպես նախատիպ ընտրելու և նրան իր գեղարվեստական ստեղծագործություններում օգտագործելու համար: Իր կյանքի ինչ-որ շրջանում Չարենցը Լենինի նկատմամբ ուներ յուրահատուկ պաշտամունք: Դա են վկայում հուշերն ու պատմությունները այն մասին, որ տարբեր շրջաններում Չարենցը հետաքրքրված էր Լենինով և չէր դադարում զրույցներ ունենալուց այդ թեմայի շուրջ: Դրանից զատ հետաքրքրական է նաև այն, որ Չարենցը հնարավորության դեպքում փորձում էր նաև լինել այն վայրերում, որտեղ ժամանակին ապրել կամ եղել էր իր համար պաշտելի անձնավորությունը: Մասնավորապես նմանատիպ հետաքրքիր զուգահեռներ կան Չարենցի և Պուշկինի հետ կապված, որոնք ներկայացրել է Վահագն Դավթյանը. «....1929 թ. աշնանը Չարենցը շուրջ երկու ամիս անցկացրեց Պուշկինի ստեղծագործության օրրանում՝ Լենինիզրադում, և այնտեղ ապրեց իր ստեղծագործական կյանքի ամենամեծ թոհքներից, ամենաբրուն և արդյունավետ շրջաններից մեկը»²:

Նմանատիպ շատ տեղեկություններ կան կապված Չարենցի ու իր համար պաշտելի անհատների հետ: Բնականաբար բացառություն չէր կարող կազմել հատկապես Լենինը, որին, ըստ Ալմաստ Չաքարյանի, Չարենցը մինչև 1925 թվականը պաշտում էր: Սակայն հետագա մի շաբթ ստեղծագործություններում Չարենցը դարձալ անդրադառնում է Լենինին: Մասնավորապես, 1936 թ., «Կոմիտասի հիշատակին» պոեմի ԽԳ ությակից սկսած, Չարենցը դարձալ գովերգում է Լենինին: Վերջինիս կենսագրությանն առնչվող ինչ-որ վայր այցելության մասին մանրամասներ հայտնում է հենց բանաստեղծը: Մասնավորապես 1926-1929 թթ. թվագրությամբ գրված «Հատվածներ զգրված պոեմից» պոեմի 4-րդ՝ «Լիրիքական շեղում» գլխում Չարենցը գրում է Կապրի կղզի այցելության մասին.

Եվ երբ կանգ առանք մենք կղզու մոտ՝

-Այստեղ ապրել է Լենինն, ասաց,-

Լենինը-լա վն էր,-ասաց հետո

Ու ժպտաց հստակ աչքերով իր³....:

Չարենցն այստեղ նկարագրում է Խտալիայում իր ճանապարհորդության ժամանակ դեպի Կապրի այցելության մասին: Կապրի այցելության մտադրության մասին հիշատակում է նաև պոեմում: Կապրի կղզում մի շրջան ապրել է Լենինը: Չարենցի Կապրի այցելության մասին իր հուշերում գրում է նաև դաշնակցական գործիչ Վահան Նավասարդյանը, որ Խտալիայում հանդիպել է Չարենցին. «....Զգրված պոեմի չորս գլուխներից հատվածներ բերելով, ուր անխնա հատվածներ կան Դաշնակցության դեմ, հեղինակը այդ հատվածներից չորրորդում խոտում է իր կատարած ճամփորդության մասին Նեապոլից դեպի խտալական Կապրի կղզին, ուր մի ժամանակ ապրել է Լենինը⁴»:

Ամփոփելով Չարենց-Լենին «հանդիպումների շաբթը»՝ հարկ է խոսել նաև Լենինի մահվանը Չարենցի արձագանքի մասին: Սա հատկապես շատ հետաքրքիր է՝ հաշվի առնելով այն փաստը, որ Չարենցը յուրահատուկ էր արձագանքում իր համար սիրելի

² Դավթյան Վ. -1974, N 22:

³ Չարենց Ե. -1968, էջ 66:

⁴ Նավասարդյան Վ. -1962, էջ 23:

մարդկանց վախճանին, և յուրաքանչյուր մարդու դեպքում դրա բանաստեղծական, ինչպես նաև կյանքում իրավան արձագանքը ստացվում էր տարօրինակ: Բացառություն չէր նաև Լենինը, քանի որ մինչև մահը, երբ նա առողջական լուրջ խնդիրներ ուներ, Չարենցն ամեն օր հետաքրքրվում էր⁵ Լենինի վիճակով: Լենինի նկատմամբ Չարենցի անձնական յուրահատուկ վերաբերմունքից զատ՝ այդ ժամանակաշրջանը լցված էր Լենինով, և ժամանակաշրջանի գրողները իրենց ստեղծագործություններում ինքնակամ ու պարտադրանքով պարտավոր էին երգեր ձոնել «Մեծ առաջնորդին»: Բացառություն չէր նաև Չարենցը, սակայն Չարենցի մոտ Լենինին ձոնված գործերը ունեին հետաքրքիր դիտանկյուն: Մասնավորապես, այդ գործերի շարքում բացառիկ է Չարենցի «Ես և Իլյիչը» պոեմը, որի պուտեն հետաքրքրական ու խորքային շերտեր ունի:

1923 թվականին Թիֆլիսում գրված պոեմի մասին կա պահպանված Չարենցի նամակը՝ ուղղված Մամիկոն Գևորգյանին: Նամակում Չարենցը մանրամասներ է հայտնում հատկապես պոեմի սկզբի փոփոխության մասին, որից և տեղեկանում ենք, թե ինչպիսին է եղել պոեմի մուտքի նախնական տարրերակը. «Հիմա ես ուզում եմ մի անէական փոփոխություն մտցնել նրանում,-հետևյալը. Պոեմի սկզբից հանել «ԷՇ, դո՛ք, որ զալու եք եգուց» մինչև «Դեպի ժամանակը!» տողերը, ու եղանակում այսինքն՝ բաց թողնել սկզբից այդ տողերը և պոեմն սկսել հիշյալ տողերից⁶...»:

Նամակի շարունակությունում նշում է պոեմի մուտքի հենց այն տարրերակը, որ արդեն իսկ կա տպագրված Չարենցի ստեղծագործությունների ակադեմիական հրատարակության մեջ: Նամակում նշված պոեմի սկզբնական տարրերակի մուտքն արդեն իսկ ազդարարում է պոեմի գաղափարական հենքերից մեկը. «Լենինը պիտի զա ապագայից և լինելու է հավերժ»: Ստեղծագործության հենց սկզբում Չարենցը ընդգծում է պոեմի այուժետային դետալներից մեկը, ինչպես նաև ակնարկում է պոեմի ստեղծման շարժառիթներից մեկի՝ Տերքերտ Ուելսի մասին. «Մի էպիզոդ իմ ճանապարհորդությունից՝ կատարված Ուելսի ժամանակի մեքենայով դեպի 2500 թ⁷.»:

Չարենցի անձնական գրադարանում կա պահպանված⁸ Ուելսի «Մարդկության համառոտ պատմություն» գրքի ոռուերեն հրատարակությունը, որը նա գնել է 1924 թ.: Սա Ուելսից պահպանված նրա միակ գիրքն է: Չի կարելի բացառել, որ Չարենցն իր անձնական գրադարանում ունեցել է նաև Ուելսի «Ժամանակի մեքենա» գիտաֆանտաստիկ վեպը, որից և բխում է «Ես և Իլյիչը» պոեմը: Շատ հնարավոր է նաև, որ Չարենցը կարդացել է 1900 թվականին «Ռուսաստան» ամսագրում լույս տեսած Վ. Տոմաշևսկու թարգմանությունը, որում վեպի վերնագիրը ներկայացված է այսպես՝ «Դեպի դարերի խորքը»:

Ժանտաստիկայում ու գիտաֆանտաստիկայում Ուելսի վեպը մտցրեց ժամանակի մեջ ժամանակի մեքենայով ճանապարհորդելու ուելյան մոտիվը: Վեպում ներկայացվում է ապագայի աշխարհը, սոցիալական անհավասարությունն ու մարդկության դեգրադացիան: Ներկայացվում են գիտական զարգացումն ու մարդկային տեսակի փոփո-

⁵ Չարենց Ե. -1961, էջ 67:

⁶ Չարենց Ե. -1967, էջ 402:

⁷ Չարենց Ե. -1964, էջ 154:

⁸ Չարենց Ե. -2022, էջ 477:

խությունը: Ինչ խոսք, Ուելսն ամեն ինչ ճիշտ է ներկայացրել: Չարենցի «Ես և Իսիջը» երգիծական ազիտ-ստեղծագործության ազդակ հանդիսացել է Ուելսի վեպը, սակայն ինչո՞ւ է Չարենցը ձանապարհորդում հենց Լենինի հետ: Հերբերտ Ուելսը երեք անգամ այցելել է Ռուսաստան՝ 1914, 1920 և 1934 թվականներին: Իր երկրորդ՝ 1920 թվականի այցելության ժամանակ Ուելսը հանդիպել և գրուցել է Լենինի հետ: Հոկտեմբերի 6-ին տեղի ունեցած իրենց հանդիպման և գրուցի մասին Ուելսը գրել է իր «Ռուսաստանը մշուշի մեջ» գրքում: Այդ հանդիպման մասին մանրամասներ հայտնել է նաև Ժամանակի անզիական և ռուսական մամուլը⁹, և շատ հնարավոր է, որ Չարենցը կարդացել է Ժամանակի մամուլում Ուելս-Լենին հանդիպման մասին ինչ-որ հոդված: Եվ այս տեղեկություններից հետո արդեն իսկ հասկանալի է դառնում, թե ինչու է Չարենցն իր ձանապարհորդությունը իրականացնում Լենինի հետ միասին, և ինչու է ստեղծագործության մեջ ազդարավում Ուելս-Չարենց-Լենին եռամիասնական համակարգը, որոնցից երկուսը հանդես են գալիս միայն սկզբում և պոեմի ավարտում, իսկ Չարենցը դառնում է այդ ձանապարհորդության հիմնական, գլխավոր կերպարը: Այստեղ Լենինը կարծես դառնում է միայն գործիք՝ Չարենցին ապագայի աշխարհում տեսնելու համար, քանի որ ստեղծագործության կենտրոնական կերպարը Չարենցն է, և աշխարհազրական, մարդկային այն երևույթները, որոնք բանաստեղծը տեսնում է իր տիեզերական ձանապարհորդության ընթացքում, հետաքրքիր են առաջին հերթին հենց Չարենցի համար: Պոեմը գրված է ֆուտուրիզմի մանիֆեստի տառին համապատասխան և կրում է ուելսյան բանաձևն իր ամբողջ կատարելությամբ: Պոեմի հատկապես սկիզբն ու ամբողջական ընթացքը հարմարեցված են Ժամանակի մեքենայով օդում ընթացող մարդու սրտի աշխատանքին, տրամադրությանն ու պատկերները կտրուկ, արագ տեսնելու դիպաշարային տրամաբանությանը:

Ես անշարժ եմ:

Ճեռում է սիրտս:

Թեսում է դեպի ինձ¹⁰:

2500 թվական ընթացող Չարենցի համար դարերի խորք գնալը և՝ նման է արթնացման՝ դարերի խորքից՝ երկարատև քնից հետո, և՝ նման է դարերի խորք գնալու տրամաբանությանը: Ընդգծվում է տիեզերական համակարգը, մոլորակներն ու համաստեղությունները, և այդ ձանապարհորդությունը կամ Ժամանակի մեջ դեպի ապագա տեղափոխությունն իրականացվում է տիեզերքով: Նախասկզբային մոլորակային մոտիվը կա հենց Ուելսի վեպում և Չարենցը՝ որպես Ժամանակի մեքենայով սկսնակ ձանապարհորդ, հետևում է Ուելսի համակարգին: Պոեմի սկզբում նախ ներկայացվում է մեքենայով շարժման մեջ գտնվող Չարենցը, որը տեսնում է տիեզերական համակարգը, մոլորակներն ու վերևում տեղի ունեցող այն բռլոր իրադարձությունները, որոնք հասու չեն ներքենում գտնվող մարդկանց: Առաջին կանգառը լինում է Մոսկվան, որտեղ էլ հենց հանդիպում ենք ապագայի աշխարհում խորհրդային կարգերի ընկալմանը: Մոսկվայի՝ որպես աշխարհի կենտրոնի գաղափարը Չարենցի մոտ դուրս է գալիս հենց «Ես և Իսիջը» պոեմից և հետագայում տարածվելու է նաև «Լենինն ու Ալին» պոեմի վրա, որը

⁹ <https://www.rbth.com/history/328081-surprised-by-russia-wells>

¹⁰ Չարենց Ե. –1964, էջ 156:

գրվել է մեր քննարկման նյութ հանդիսացող պոեմից մեկ տարի անց՝ 1924 թվականի նոյեմբերի 24-ին Տրավիզոնում։ Հենց այդտեղ է երկրորդ անգամ և վերջնականապես հաստատվում Զարենցի մոտ Մուկվան՝ որպես աշխարհի կենտրոն։

Աշխարհի կենտրոնը–Մուկոն զն է։

Մուկովը Մեկկայից էլ հի ն է։

Մուկովից մեծ քաղաք–չի ք։

–Քանի որ Մուկովի միշին։

Ապրում է ինքը–Լենինը¹¹։

«Լենինն ու Ալին» պոեմում Մեքքայի հիշատակումը ևս մասնակի տանում է դեպի Զարենցի անձնական գրադարանում պահվող Ուելսի վերոնշյալ գիրքը։ Գրքի «Матамед и ислам» գլխում խոսվում է Մեքքայի, իսլամական հավատքի, դրա ներկայացուցիչների համար պաշտամունքի առարկա դարձած այլ մանրամասների մասին։ Այս դեպքում ևս գիրքն ու ընթերցանությունը Զարենցի համար գաղափարական ու ստեղծագործական նոր ճանապարհ են բացել։

Մուկվա հասնելով՝ Զարենցը սկսում է գրուցել և խնդրել, որ իրեն տանեն Всесоюзская Чрезвычайная Комисия։ Եվ հենց այդ կետում են զարմանքն ու կասկածը Զարենցի։ Ապագայի աշխարհում ծիծառելի է դառնում «բոլշևիկ» բառի արտասանությունը։ Կարելի է մեկնարանել այսպես, որ Զարենցի ապրած ժամանակաշրջանում անհնարին էր չիմանալ այդ ամենի մասին։ Սա ժամանակների բներացման մեջ անհնարինությանն ուղղված արձագանք է նաև։ Սակայն զարմանքի հետ մեկտեղ կա նաև կասկած, որ միգուցե ապագայի աշխարհում արդեն իսկ չիմանան խորհրդային համակարգի մասին։ Ապագայի աշխարհում հնի և նորի հակադրություն ևս կա, սակայն Զարենցը հստակ ընդգծում է, որ հինք այլևս չկա, բնականաբար, այդ շրջանում հին ասվածը նախքան հեղափոխության և խորհրդային պետության կազմավորման շրջանն էր։ Իսկ 2500 թվականին կոմունիզմի իշխանությունը տարածվում է ամբողջ աշխարհում։ Թերևս այսպես է տեսնում Զարենցը, երբ մի փոքրիկ երկխոսության ժամանակ հաստավում է, որ աշխարհում տիրում է կոմունիստական համակարգը։

Վարը–

Աշխարհը–

Կոմուն է ընդհանուր¹²։

Այս ամենից անմիջապես հետո Զարենցը մեջբերում է այդ ժամանակ դեռ ողջ ֆրանսիացի աշխարհահոչակ աստղագետ, փիլիսոփա Կամիլ Ֆլամարիոնի անունն ու ընդգծում, որ այդպես էր գուշակել նա։ Զարենցի կողմից Ֆլամարիոնի անվան ընդգրկումն այս պոեմում նույնպես պատահական չէ։ Ֆրանսիացի աստղագետն այդ շրջանում ամենահայտնի գիտնականներից մեկն էր։ Որպեսզի Լենին–Զարենց անմահության ճանապարհորդության տրամաբանությունը կարողանանք գտնել, հարկ է մեջբերումներ անել Ֆլամարիոնի աստղագիտական–փիլիսոփայական հայացքներից։ Թեև Զարենցի անձնական գրադարանում պահպանված չեն Ֆլամարիոնի գրքերից, սակայն

¹¹ Զարենց Ե. –1963, էջ 206։

¹² Սոյն տեղում, էջ 161։

հաշվի առնելով պոեմի գաղափարական թելն ու նրանում Ֆլամարիոնի անվան հիշատակումը, կարևի է ենթադրել, որ Չարենցը միանշանակ կարդացել է նրա աշխատություններից առնվազն մեկը: Ֆլամարիոնը չվախեցավ աստղագիտական խնդիրները ֆիզիոլոգիական և մտավոր խնդիրներին համատեղել իր տիեզերափիլիսոփայական գրվածքներում: Նա քննարկեց հարցեր Տիեզերքի անսահմանության և դրանում անսահման կյանքի հնարավորության մասին: Այստեղից էլ Ֆլամարիոնի որոշ գրվածքների փիլիսոփայական և առաջին հայացքից նովիսկ միստիկ երանգավորումը, որը շատ պրոֆեսիոնալ աստղագետների հեռացրեց նրանից: Միևնույն ժամանակ, Ֆլամարիոնը, որոնելով այս հարցերի պատասխանը, կրկին հույսեր էր կապում հենց Տիեզերքի՝ Բնության անսահման հարստության, հատկությունների բազմազանության հետ: Նա այս ամենի մեջ փնտրում էր անհայտ, բայց միևնույն ժամանակ քնական ուժերի դրսեորում: Նրա երևակայության թոփշը առաջացնում է Երկրի վրա մահացած մարդկանց անմահ հոգիների հնարավոր վերաբնակեցման պատկերը ոչ թե դրախտ, դժոխք, այլ ուրիշ մոլորակներ, օրինակ՝ Մարս: Զարմանալի չէ, որ Ֆլամարիոնի խորհրդային քննադատներից մեկն ասել է, որ նրա դրախտը լավ կահավորված աստղադիտարան է: Ուրեմն Չարենցը պոեմում դնում է նաև Երկրի վրա մահացած մարդկանց հոգիների մեկ այլ մոլորակում ապրելու Ֆլամարիոնի գաղափարը: Դա հստակ երևում է նաև առաջին ակնառու տրամաբանական դիտարկմամբ. որքան էլ ինքն ու Լենինը ճանապարհորդում են դեպի ապագա, սակայն ճանապարհորդության հետ մեկտեղ կա նաև դարերի երկար ձգվող ընթացքը, և պոեմում ինչ-որ պահի տպավորություն է, որ թե՛ նրանք են զնում դեպի ապագա, թե՛ հոգիներն են ինչ-որ տեղից շարժվել դեպի պայմանական ներկա՝ 2500 թվական: Մասնավորապես Չարենցի՝ հոգի լինելն է վկայում պոեմի սկզբում ինքն իր մարմնի ծանրությունը որպես հով, քամի ընկալելու տողերը.

Իշնում եմ:

Թոշում եմ:

Ես թեթև եմ¹³:

Կամ այս հատվածը.

-Շնչում եմ:

Թեթև եմ:

Ես կամ¹⁴:

Այս տողերը գալիս են փաստելու, որ Չարենցը դեպի ապագա էր շարժվում ինչ-որ տեղից և այդ տեղից շարժվում է տեսնելու 2500 թվականի աշխարհը, որն այդքան էլ երանելի ու ցանկալի չէ: Եվ ի վերջո Ֆլամարիոնի գաղափարախոսության առկայությունն այս ստեղծագործությունում գալիս է ցույց տալու հենց պոեմի նախնական՝ չփոփոխված տարբերակի պահպանված օրինակը, որի հենց սկիզբը խոսում է Երկրի վրա մահացած մարդկանց անմահ հոգիների հնարավոր վերաբնակեցման պատկերի մասին, որ այդ վայրը ինչ-որ դրախտային մոլորակ է.

¹³ Չարենց Ե. -1963, էջ 155:

¹⁴ Նոյն տեղում, էջ 156:

ԷՇ

Դուք,

Որ զալու էք էզուց:

Տեսնում եմ ձեզ էսօր:

Իմ դեմ է ահա ձեր եղեմը:

Էլեկտրական դրախտը:

Տեսնում եմ ձեր հոգին,

Զեր բախտը¹⁵:

Թե ինչո՞ւ է Չարենցը ցանկացել և փոխել պոեմի մուտքի այս սկզբնական տարբերակը, չենք կարող ասել: Համենայն դեպս դա կարող էր կապված լինել նաև Ֆլամարիոնի գաղափարների նկատմամբ խորհրդային միջավայրում ոչ լավ արձագանքի հետ, սակայն մյուս կողմից նա թողել է ֆրանսիացի գիտնականի անունը, որն իրավիճակն ավելի է խճանմ: Սակայն հստակորեն տեսնում ենք, որ Ուելսի հետ մեկտեղ՝ Չարենցը պոեմը կառուցել է նաև Ֆլամարիոնի գաղափարախոսություններից մեկի հիման վրա: Ի վերջո, այդ շրջանում Ֆլամարիոնի գաղափարախոսություններն այնքան էին տարածված, որ այդ թեմաներով ստեղծագործում էին նաև ոռու բանաստեղծները: Այստեղ հարկ է նշել արծաթե դարի ամենակարևորն բանաստեղծներից մեկի՝ Նիկոլայ Գումիլյովի այս քառասողը, որը կրում է Ֆլամարիոնի Վեներայի հետ կապված ուսումնասիրության արդյունքը: Ուսումնասիրելով Արեգակի սկավառակի վրայով Վեներայի անցման բոլոր դիտարկումները՝ Ֆլամարիոնը եզրակացրեց, որ նույնիսկ այս խորհրդավոր մոլորակի պատման ժամանակահատվածը դեռևս չի կարող հուսալիորեն հաստատվել, և Վեներայի վրա կա նաև գունային ընկալումների և տարբերությունների խնդիր: Հենց այս ուսումնասիրությունը Գումիլյովին մղում է Վեներայի բնապատկերները տեսնել այլ գույներով.

Հեռավոր Վեներայի աստղի վրա,

Արևը կրակու է և ոսկեզույն:

Վեներայի վրա, այս, Վեներայի վրա

Ծառերը կապույտ տերևներ ունեն¹⁶...

Վեներային թողնելով հանգիստ՝ Չարենցը շարունակում է ժամանակի մեջ իր ճանապարհը: Եվ անգամ պոեմում, որտեղ թվում է՝ կենտրոնական կերպարը պիտի որ Լենինը լինի, Չարենցը դարձյալ մոլորակի կենտրոնում կանգնեցնում է իրեն և չի զլանում հերթական անգամ խոսել իր բացառիկ հանճարի և, որ ամենակարևորն է, ժամանակավեպ շինելու մասին: Եթե հանդիպում է ու ասում է իր անունը, ապագայի մարդիկ ճանաչում են Չարենցին.

Ազգանուն-Չարենց է,

Իսկ Չարենցը,

Դուք

Հասկանո՞ւմ եք...

¹⁵ Չարենց Ե. –1963, էջ 356:

¹⁶ Ժարգմանությունն արվել է իմ կողմից (հեղ.):

Խա-խա-խա-խա-խա....-

Ծիծաղում է:

Ուրախ է¹⁷:

Ապա հաջորդում են գիտատեխնիկական հայտնագործությունների մասին հատվածները, որում Զարենցը մնում է ուելայան գաղափարախոսությանը հավատարիմ ու ներկայացնում է ապագայի նոր աշխարհն իր գիտատեխնիկական բոլոր հայտնագործություններով և նորամուծություններով հանդերձ: Հարկ է նշել, որ այդ շրջանում փորձ էր արվում երևակայությամբ պատկերել ամենը, ապագան ու գիտության զարգացումը, սակայն ներկան՝ Զարենցի դեպքում ապագայի աշքով երբ տեսնում ենք, ստացվում է, որ այդ ամենը կատարվում էր ճիշտ: Քանի որ օդում թռչող մեքենաներն արդեն իրականություն են, տիեզերքում թռչող գունդը ևս իրականություն է, և մեզ համար այս ամենի մեջ զարմանալի ոչինչ չկա: Հարկ է զարմանալ միայն, թե ինչպես է այդ ամենը այդրան ճշգրիտ մարգարեական մտրից տերստ դարձել գրողների կողմից:

Զարենցի ժամանակի մեքենան, պտտելով աշխարհի տարբեր անկյունները, ի վերջո հասնում է նաև Երևան: Ըսդգծում է Երևանի՝ արդեն իսկ քաղաք դառնալն ու Զարենցի ցանկությունը, որ դրված է Երևանին վերաբերող շքեղ կերպարանափոխության հիմքում: Նա, 30-ականների կառուցվող Երևանը տեսնելով, նշում էր, որ երանի նրանց, ովքեր տասնամյակներ հետո կտեսնեն այն: Պոեմի այս հատվածում Զարենցը զետեղում է իր ցանկությունն ու ընդգծում նաև Երևանում իր՝ ժամանակավեպ չկանությունը:

Ասում եմ անուն:

Գուցե հիշեն....

-Զարենց

-Զարենց

-Զարենց¹⁸:

Ուելսի վեպում կա նաև Եզիպտական կոլորիտ: Եզիպտոսի մասին գրված է նաև Հերբերտ Ուելսի «Մարդկության համառոտ պատմություն» գրքում, որը կար Զարենցի անձնական գրադարանում: Վերոնշյալ գրքի 67 գլուխներում գրված է մարդկության պատմության խոշոր իրողությունների մասին Քրիստոսի ծննդից և հասնում է մինչև 1922 թվականը: Գրքում խոսվում է նաև Եզիպտոսի մասին: Եզիպտական կոլորիտը կա նաև Ուելսի մյուս՝ «Ժամանակի մեքենա» վեպում, որտեղ հեղինակը, որը վեպում ներկայանում է առաջին դեմքով, ինչպես Զարենցն իր պոեմում, իր ժամանակի մեքենան կանգնեցնում է Սֆինքսի մոտ, ապա թաքցնում է նաև Սֆինքսի մեջ: Եզիպտական կոլորիտ բերում է նաև Զարենցը, սակայն դա արդեն Երևանում:

Էն ի ՞նչ բուրգեր են ապակի¹⁹....:

Այս կետից սկսած, երբ Զարենցը Երևանում է, նախքան Լենինին տեսնելը նա սկսում է տագնապել: Նախ բառերից նկատվում է նրա շնչակտոր վազքը: Այդ կոլորի-

¹⁷ Զարենց Ե. -1964, էջ 158:

¹⁸ Նույն տեղում, էջ 163:

¹⁹ Նույն տեղում, էջ 164:

տր կար պոեմի սկզբում, և երբ նրա մեքենան վերջապես կանգ առավ: Նկատվում է տագնապ, կարծես թե նրա ճանապարհորդության ժամանակը լրանում է, մոտենում է իր մահը, որի մասին և ակնարկում է ինքը: Եվ փախուստը նրան բերում է դեպի հրապարակ, որտեղ ել տեղի է ունենում հանդիպումը Լենինի հետ: Հետաքրքիր պատահականությամբ Մերկուրովի ձեռամբ քանդակված Լենինի քանդակը Հանրապետության հրապարակում դրվել է 1940 թվականին: Եվ Լենինին տեսնելով՝ այն մարդկանց, որոնց հետ չեր կարողանում խոսել, և որոնք խուզ էին, արդեն հիմա կարողանում է հավաքել իր շուրջը և պատմել Լենինի մասին: Պոեմում Լենինի «ուրվականը» նախ տեսնում ենք միայն վերնագրում, ապա վերջում, որով ճանապարհորդությունը ստանում է տրամաբանական ավարտ: Դարերի խորքում ընթացող ճանապարհորդությունը ազդարարում է 2500 թվականին Լենինի և Կոմունիզմի գոյությունը: Այս գաղափարական փոքր կետերը խորհրդային շրջանում կարող էին դառնալ պոեմի հաստատուն գաղափարախոսություն, և տպավորություն ստեղծվեր, որ ամբողջ պոեմը կառուցված է հենց սրա շուրջ, սակայն ժամանակներն այլ են հիմա, և Լենինին տասնամյակների խորքից կարող ենք անդրադառնալ այլ կերպ: Պոեմում հետաքրքիր գուգահեռներ է տարվում նաև Լենին-Զարենց, Սոսկվա-Երևան գույքերի միջև: Եթե «Լենինն ու Ալին» պոեմում սահմանվում է, որ աշխարհի կենտրոնը Մոսկվան է, քանի որ այնտեղ ապրում է Լենինը, հետևաբար պոեմում դեպի ապագա գնացող ճանապարհորդության առաջին ու կարևոր կանգառը Մոսկվան է, սակայն որքան էլ տարօրինակ էր, Զարենցը Լենինին այնտեղ չի հանդիպում: Նա Լենինին տեսնում է Երևանում, և դրանով կարծես թե սահմանվում է, որ ապագայի աշխարհում Մոսկվա-Երևան ուղղությունները կարևոր են, իսկ Լենինը լինելու է ամենուր:

Որքան էլ զարմանալի է, Զարենցի «Ես և Լենինը» ստեղծագործությունն իր ֆանտաստիկ աշխարհով, ազդեցություններով ու ներսում պատկերված մտացածին աշխարհով տարբերվում է Լենինին ձռնված Զարենցի մյուս պոեմներից: «Լենինն ու Ալին» պոեմում ներկայացված էր Թուրքիայի կողմից Լենինի մահվան բոթի շատ ծանր արձագանքը: Մինչընելու «Ես և Լենինը» պոեմի հիմքում բացառապես Զարենցի ֆանտաստիկ աշխարհն է, չնայած նրանում առկա է նաև մի շարք գրքերի ու հեղինակների ազդեցությունը: Այնուամենայնիվ, այս ամենով հանդերձ, Զարենցի ստեղծագործական ներկապնակում Լենինին ձռնված ստեղծագործությունները արտահայտում են բանաստեղծի բացառիկ վերաբերմունքը Լենինին: Զարենցը մինչև կյանքի վերջ Լենինին ընդունում էր որպես իր համար ամենասրբազան երևոյթներից մեկը: Դա է վկայում բանաստեղծն ինքը՝ Աղասի Խանջյանին գրված նամակում. «Երդվում եմ Լենինի անվամբ, որ ամենասրբազան բանն է իմ իդեալան աշխարհում (համոզված եմ, որ սրա դեմ չեն կարող առարկել անզամ իմ ամենաոխերիմ թշնամիները)-երդվում եմ ահա Լենինի սրբազան անվամբ, որ նա²⁰.....»:

Եղրահանգում. Լենինի նախատիպի գեղարվեստականացման համատեքստում մեզ համար յուրահասուլ է Զարենցի հատկապես «Ես և Իլյիչը» ստեղծագործությունը, որը գեղարվեստական արժեքով, իրոք, զիջում է հանձարեղ բանաստեղծի շատ գործե-

²⁰ Զարենց Ե. -1996, էջ 279:

թին, սակայն թեմատիկ նորարարությամբ և ստեղծագործությունում առկա գաղափարական հետաքրքիր լուծումներով արժանի է ուրույն տեղ ունենալու Զարենցի՝ Լենինին վերաբերող ստեղծագործությունների ցանկում:

ОБ ОДНОМ СОВРЕМЕННОМ ПРОЧТЕНИИ ПОЭМЫ ЕГИШЕ ЧАРЕНЦА «Я И ИЛЬИЧ»

Заргарян А.

Ключевые слова: Чаренц, Ленин, Уэллс, будущее, путешествие, Ереван, Москва, коммунизм, футуризм, фантастика.

В творческом наследии, оставленном Егише Чаренцем, немало произведений о Ленине. Особенно уникально по своим тематическим и творческим особенностям произведение «Я и Ильич», в котором Чаренц вместе с Лениным начинает путешествие в мир будущего. Вдохновением для создания послужил фантастический роман Уэллса «Машина времени». В произведении «Я и Ильич» Чаренц также обращается к идеологиям французского астронома и философа Камиля Фламмариона. Выстраивается уникальное произведение, в котором представлен мир будущего, Ереван и проходящие через все это мысли и удивления Чаренца. В то время Чаренц видел мир будущего с Лениным, который для него был прототипом и личностью, занимающей вышестоящее положение.

ONE CONTEMPORARY READING OF THE POEM "ME AND ILYICH" BY YEGHISHE CHARENTS

Zargaryan A.

Key words: Charents, Lenin, Wells, future, travel, Yerevan, Moscow, communism, futurism, fantasy.

In the creative heritage left by Yeghishe Charents, there are several works about Lenin. Especially the work "Me and Ilyich" is unique with its thematic and creative features, in which Charents starts a journey to the world of the future with Lenin. The inspiration for the creation was the science fiction novel "Time Machine" by Wells. In the work "Me and Ilyich" Charents also refers to the ideologies of the French astronomer and philosopher Camille Flammarion. A unique work is being created, in which the world of the future, Yerevan and the thoughts and surprises of Charents passing through it all are presented. In that period, Charents imagined the world of the future with Lenin, who was a prototype and an individual occupying a superior position for him.

Գ ր ա կ ա ն ո ւ թ յ ո ւ ն

1. Աքռվ Գ. -1923, «Դանակը թկին», Մոսկվա, «Մոսկվա» հրատ., 54 էջ:
2. Դավթյան Վ. -1974, «Ազատության հանճարը», «Գրական թերթ», N 22:
3. Հովհաննիսյան Ե. -1961, «Հիշողություններ Եղիշե Չարենցի մասին», Հայպետհրատ., 391 էջ:
4. Նավասարդյան Վ., -1962, «Չարենց. Հուշեր և խորհրդածություններ», Թեհրանի հրատ., 163 էջ:
5. Չարենց Ե. -1963, «Երկեր», h. 2, ՀՍՍՀ ԳԱ հրատ., 397 էջ:
6. Չարենց Ե. -1964, «Երկեր», h. 3, ՀՍՍՀ ԳԱ հրատ., 373 էջ:
7. Չարենց Ե. -1968, «Երկեր», h. 4, ՀՍՍՀ ԳԱ հրատ., 624 էջ:
8. Չարենց Ե. -1967, «Երկեր», h. 6, ՀՍՍՀ ԳԱ հրատ., 602 էջ:
9. Չարենց Ե. -1983, «Անտիպ և շավաբված երկեր», ՀՍՍՀ ԳԱ հրատ., 711 էջ:
10. Չարենց Ե. -1996, «Նորահայտ էջեր», ԵՀ հրատ., 636 էջ:
11. Չարենց Ե. -2022, «Անձնական գրադարան», 477 էջ:
12. URL <https://www.rbth.com/history/328081-surprised-by-russia-wells>
13. URL <https://media.am/hy/critique/2018/02/26/9366/>

Հնդունվել է՝ 30. 08. 2022
Գրախոսվել է՝ 23. 09. 2022
Հանձնվել է տպ.՝ 28. 11. 2022

Տեղեկություններ հեղինակի մասին

Արա ԶԱՐԳԱՐՅԱՆ՝ հայցորդ, << ԳԱԱ Ս. Աբեյյանի անվան գրականության ինստիտուտի կրտսեր գիտաշխատող, Էլ. հասցե՝ zargaryanara1994@gmail.com: